

Gvangjsih Minzczu Bau

Cawiguenj: Gvangjsih Bouxcuengh Swcigh Minzczu Cunghvau Swvu Veijvenzvei

Cawjbanh: Gvangjsih Minzczu Bause

Geiz neix 8 bani

广西民族报

Aenhauh okbanj: CN45-0036

B.2022

Nd.12

Ng.7

Liggaeuq nyaemzyinz nienz ndwenit cibsei

Geizsoq: Gungh daih 3552 geiz

Gyangh Cwzminz Dungzci Ciengzlwenz Lix Youq Ndaw Sim Raeuz

——Daengx Guek Gak Dieg Ganbu Ginzchung Simdot Diuqniemh Gyangh Cwzminz Dungzci

江泽民同志永远活在我们心中

——全国各地干部群众深切悼念江泽民同志

Sinhvazse Baekging 11 nyied 30 hauh dien: Cunghgoz Gungcanjdangj Cunghyangh Veij-yenzvei、Cunghvaz Yinzminz Gunghozgoz Daengx Guek Yinzminz Daibyauj Davei Cangzvu Veijyenzvei、Cunghvaz Yinzminz Gunghozgoz Gozvuyen、Cunghgoz Yinzminz Cwngci Hezsangh Veiyi Daengx Guek Veij-yenzvei、Cunghgoz Gungcanjdangj Caeuq Cunghvaz Yinzminz Gunghozgoz Cunghyangh Ginhsw Veijyenvei, cibfaen simdot naeuz hawj daengx Dangj daengx ginh daengx guek gak cuz yinzminz: Gyangh Cwzminz dungzci dou gingqgyaez neix baenz bwzhezbing caiqlij ndaw ndang lai aen doxgaiq nyieg liux, ciengigouq mbouj ndaej, youq 2022 nienz 11 nyied 30 hauh 12 diemj 13 faen youq Sanghaij gvaqsei, daengxcuih 96 bi.

Gyangh Cwzminz dungzci dwg bouxdaeuz maenhndei gig miz vimuengh Dangj raeuz ginh raeuz guek raeuz gak cuz yinzminz goengnyinh, dwg boux vuzcanj gaihgz gwzminggyah、cwngci-gyah、ginhsw' gyah、vaigyauhyah, dwg boux gungcanj cuji cansw ginggvaq gig lai gig nanz gaujniemh, bouxdaeuz ak saehnieb hungmbwk Cungguek daegsaek sevei cuji, dwg gij haedsim daih daihsam cunghyangh lingjdauj cizdij Dangj raeuz, bouxdaeuz cauhaeb “sam aen daibyauj” cungyau swhsiengj.

(bonj bauq genj hoiz)

Geij ngoenz neix gvaqdaej, daengx guek gak dieg ganbu ginzchung cunghmuenx ndiepniemh caeuq gingqgyaez, doenggvaq gak cungj fuengsik soudingq souyawj saw naeuz hawj daengx Dangj daengx ginh daengx guek gak cuz yinzminz, simdot diuqniemh Gyangh Cwzminz dungzci, gag aeu gak cungj fuengsik ngeixniemh de.

Ciepswnj ceiqnyienh、hai roen baenaj. Caezgya cungj naeuz, aeu youq aen Dangjcunghyangh aeu Siz Ginbingz dungzci guh cehsim haenx giengiengz lingjdauj baihlaj, dawz indot bienqbaenz ligliengh, dangq boux youq dangq aen gangjvei engqgya haenqrengz guhhong, doxgiet haenqguh mbouj soengset, dawz aen lamzdoz Cunghvaz Minzczu fukhwng hungmbwk baez yamq baez yamq guh baenz caen.

Caeuq Seiz Yamq Bae Hailoh Cauhmoq

“Uk gou geij faen cungj cij hoiz ndaej dauq, ndawsim cibfaen nanzgvaq.” Rox Gyangh Cwzminz dungzci gvaqsei le, Denhcinhgangj Cizcanghsiengh Majdouz Youjhan Gunghsw Cauhcozbu An-gyauzdui Dangjcihbu suhgi giem duicangj Vangz Yigwz gig siengsim.

Vangz Yigwz dauqngeix, bihaenx, Gyangh Cwzminz dungzci daej Denhcinhgangj gaujcaz seiz, swhgeij lijdwg gwnz sok boux cizgaj swghih bingzciengz ndeu. 30 lai bi gvaqbae lo, Denhcinhgangj gaenq bienqvaq hungloet, baenz bakdou haij Baekging Denhcinh Hozbwz, caeuq daengx

biengz 180 lai aen guekgya caeuq digih 500 lai aen gangjgouj lienhdaemh guh gajcawx mbouj duenh.

Cungguek raeuz, aen dijci hawciengz ginghci sevei cuji mboujduenh guh caezciengz.

Youq Liuzningz Anghangh Gyangh Cwzminz dungzci gaujcaz gvaq de, giyez lai bi daej maenhhdw byaij diuzloh hwngfat “gaijgwz + haw-ciengz”, maenhhdw doidoengh giyez laux cienj-hingz swnggaep, haicauh lienh gang seizdaih moq.

Gyoengq ganbu cizgungh Guekgya Fazcanj Caeuq Gaijgwz Veijyenzvei、Gohyoiz Gisuz Bu、Gunghyez Caeuq Sinsizva Bu naeuz, youq mwh rog guek ndaw guek hingzsi cibfaen fukcab, Gyangh Cwzminz dungzci daiqlingz cunghyangh lingjdauj cizdij Dangj raeuz, yaengx hwnj mbaw geiz hung Majgwzsw Lezningz Cuiji、Mauz Cwzdungh Swhsiengj、Dwng Siujbingz Lijlun, genhciz diuz goekbonj loh sienq Dangj mbouj doenghngauz, doxgiet daengx Dangj daengx guek gak cuz yinzminz, gaemdawz seizheiq ndei, haeujaeg guh gaijgwz、mbe' gvangq haihlangh、coicaenh hwngfat、baujci onjdingh, baenzgoeng dawz Cungguek daegsaek sevei cuji doi coh ngeihcib it sigij.

Youq Sanjsih Yenzanah dieg ak guh gwzming, dangdieg ganbu ginzchung foenfoen cienjfat aen siusik siengsim neix, naeuz cibfaen ndiepniemh Gyangh Cwzminz dungzci.

Gyoengq banbu ginzchung Vaigyauhbu、Guek-gya Minzczu Swvu Veijyenzvei naeuz, aeu hagsib gij gwzmingz cingsaenz caeuq yienghndei gwzmingz Gyangh Cwzminz dungzci, hagsib cungj gohyoz daidu caeuq cauhyuh cingsaenz yungh Majgwzsw Cuiji laebciengz, gvanhdenj、fuengfap bae yenzgiu cinggvang moq、gaijgez vwndiz moq.

Aeueiq Ginzchung Gvensim Ginzchung

Youq ndaw sinhvwnz roxyiuj Gyangh Cwzminz dungzci gvaqsei, Sanhsih Swngj Dadungz Si Yinzcouh Gih Baujcunh caem doix liux. Suhgi laux Liuz Gimingz 80 bi haenx caeuq mehyah de dawz mbaw siengq Gyangh Cwzminz dungzci daej ndaw mbanj gaujcaz seiz ingj haenx raemxda doek-byoegbyoeg.

Dwen daengz 1990 nienz 1 nyied Gyangh Cwzminz dungzci youq Dadungz-Yangzgauh deihdoengh gvaq le daengz ndaw mbanj gaujcaz, Liuz Gimingz lij geiq ndaej gig cingcui. “De daej daengz ndaw mbanj, cam gwn cam daenj, nai heuh dou hwnqguh ranzmbanj moq.” Liuz Gimingz naeuz, mboengq bi neix daej hwnqguh ranzmbanj moq, ndaw mbanj yied daej yied hwngfat, dou aeu gwndaenj ndei daej bauq hawj Gyangh Cwzminz dungzci.

Gyoengq ganbu ginzchung Yinzliz Swhyenz Caeuq Sevei Baujcanbu、Gyauhdungh Yinsuhbu、Guekgya Veiswng Gengangh Veijyenzvei、Duiyiz Ginhynz Swvubu naeuz, hagsib binjgwz ndei caeuq yienghndei Gyangh Cwzminz dungzci, itdingh aeu gaemmaenh aen gaenbonj moegdik it sim it eiq fugsah yinzminz, laebmaenh aen gvanhdenj gvendaengz ginzchung, gvancez diuz loh sienq ginzchung, gingqcungh gij cingsaenz cauhanduj yinzminz,

seizseiz baujci caeuq yinzminz ginzchung lwednoh doxnem.

Youq ranghdieg minzczu, gak cuz ginzchung siengsim diuqniemh Gyangh Cwzminz dungzci.

Youq Gvangjsih Baksak Si Denzyangz Gih Nazmboq Cin Yungjicangz Cunh Gyangh Cwzminz dungzci daej gaujcaz gvaq song baez neix, gyoengq vunzmbanj gag daej daengz dangqnaej gaiq rin gaeq gij vah daengqnaej Gyangh Cwzminz dungzci haenx ngeixniemh de. Gyoengq vunzmbanj naeuz, gij vahdaengq Gyangh Cwzminz dungzci, seizseiz coi gyoengq vunzmbanj haenqrengz buekguh、duetgungz baenzfouq, buet bae coh swngghoz engq gyaunde.

Bouxdaeuz Biek Seiq Yienghndei Ciengz Youq

Ganhsuz Swngj Canghye Si Ganhcouh Gih Cwnghez fucujisiz Liuz Hungzyen roxyiuj Gyangh Cwzminz dungzci gvaqsei le, simdot haujlai nanz cij hoiz ndaej dauq.

“Gyangh Cwzminz dungzci gig caenciet, couh lumj bohmeb bouxlaux ndaw ranz cam dou gwndaenj、guh hong baenzlawz yiengh.” 1992 nienz 8 nyied, Gyangh Cwzminz dungzci daengz Ganhsuz gaujcaz mwhhaenx, Liuz Hungzyen dwg vunzhong vwnzvuz baujhoh danhvei, ndaej caeuq Gyangh Cwzminz dungzci doiqnaej gangjgoj. Liuz Hungzyen naeuz, Gyangh Cwzminz dungzci haenqrengz doidoengh baihsae daihhaifat canloz, hawj dangdieg ginzchung miz maqmuengh ndaej hwngfat. Seizneix dou ndaej gvaq saedceij ndei lo, cijmiz laebdaeb haenqguh, dawz saedseij guh baenz ngoenz beij ngoenz ndei, cij ndei daengqnaej de.

Gyoengq banbu cizgungh Suijlibu、Nungzyez Nungzcunh Bu、Yinggis Gvanlij Bu、Sinjgisuj naeuz, aeu baujci cungj cingsaenz gagsaenq gag' ak、souj goek cauhamoq, haenqheiq buekguh、daihdamj baenaj、vih gensez guek raeuz baenz aen guekak sevei cuji yendaiva fouqgiengz minzcuj vwnzmingz doxhuz gyaunde cix buekguh, aeu hengzdoengh caen daej biujdab diuqniemh.

Aen saehnieb Cunghvaz Minzczu fukhwng hungmbwk, gietcomz le gij simlwed caeuq buekguh daih youh daih vunz Gungcanjdangj bauhamz Gyangh Cwzminz dungzci youq ndaw haenx. Gyoengq ganbu ginzchung naeuz, gwnz loh baenaj, aeu engqgya gaenjaed doxgiet youq seiqhenz aen Dangjcunghyangh aeu Siz Ginbingz dungzci guh cehsim haenx, nyinhcaen hagsib gvancez gij lij ljun giekbong、loh sienq giekbong、fanghloz giekbong Dangj raeuz, itdingh aeu gaemmaenh aen lij ljun giekbong、diuz loh sienq giekbong、aen fanghloz giekbong Dangj raeuz, laegdauq roxyiuj gij eiqsei cinjdingh “song aen doekdingh”, gyarengz guh daengz “seiq rox”, dawzdingh “seiq aen gagsaenq”, guhdaengz “song aen henhoh”, vih cienzmienh hwnqguh aen guekgya sevei cuji yendaiva, saedyienh Cunghvaz Minzczu fukhwng hungmbwk ok rengz.

(genj hoiz Sinhvasse Baekging 12 nyied 2 hauh dien)